

Augsburg, 10. Juni 1569

An Johannes Crato von Kraffttheim

UB Breslau, Ms. 9820 (Rehdigeriana 246), Nr. 329 (fol. 435r-v).

Nobili viro, doctrina et virtute praestanti, D. Io[anni] Cratoni à Craffthaim, archiatro Caesareo, sacri palatij comiti. Domino et patrono suo colendo. Wien.

S. 3. Iunij, Clariss[ime] vir, D[omine] et patrone colende, sum huc è Thermis Badensibus, et Argentina, quò ad visendos veteres amicos, exurri, reuersus. Valetudo est eadem quae fuit, ac potius paulò deterior, ob exiccationem et pruritum corporis. In causa sunt non aquae, profectò saluberrimae, et omni erga me officio functae: sed mala victus ratio, quae omnem medicinae vim tollit. Non tamen me neque sumptuum neque molestiarum paenitet: tum quod amiciss[imos] homines, quos fortasse nunquam posthac visurus sum, visi, tum quod fessum caput interea nonnihil acquieuit. Nugae meae Ciceroniane, me absente, huc perlatae sunt: quarum vnum exemplum Excellentiae tuae inornatum eò mitto, ne quid ἀντιδώρου captare videar. Reliquae meae lucubrationes iacent, siue culpa librariorum, siue discessu à praelis operarum, quae in militiam exurrisse feruntur. Ego verò et haec aequi boniqüe facio, et id operam do, vt ad proximas nondinas Graecolatinum Demosthenem ejciam domo, qui mihi somnos adimit. Vale. Augustae. 10. Iunij 1569.

Hiero[nymus] Wolfius.